



Publicaziuns dalla vischnaunca, jamna 19

Damonda da baghegiar

Nr. 2011-1035

Datum da publicaziun: 13 da matg 2011

La patruna: Lucia Tramèr, Via Contra 31, 6648 Minusio

Il representant: Giovanni Sabbadini, Via Sogn Gions 15, 7180 Disentis/Mustér

Object: Construcziun d'ina seiv grischuna nova e plantar ina seiv viva nova, parcella 431, Via Bugnei 14, 7186 Segnas

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 9-5-2011

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2011-2048

Ueli Steiger, 2222 Kenilworth Ave, CA 90030 Los Angeles USA; nova cuvrida per l'entrada ed il plaz da seser, parcella 374, Via Vallars 4, 7186 Segnas.

Nr. 2011-2049

Alfred Lutz-Micheli e Martin Venzin-Manetsch, Via Pintga, 7180 Disentis/Mustér; parcadi cun mir da sustegn, parcelas 811 e 814, Via Pintga 4 e 6, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 9-5-2011

Uffeci da baghegiar Disentis/Mustér

Zona da baghegiar per indigens

Sera d'informaziun

En connex cun la revisiun dalla planisaziun locala ha la vischnaunca enzonau a Caschuarz terren da baghegiar cugl intent da saver metter a disposiziun terren da baghegiar favoreivel. Avon che cuntinuar cun las lavurs da planisaziun ha la suprastanza communal incaricau in biro d'architettura d'elaborar in studi da variantas. Ilis resultats dil studi ein avon maun ed ei va per orientar interessents davart las retschercas per silsunter saver cuntinuar cun las lavurs da planisaziun ed evtl. da projectaziun.

Per quei intent envidein nus Vus ad ina sera d'orientaziun che ha liug:

gliendisdis, ils 23 da matg 2011 allas 20.00 en casa communal a Mustér.



Aschinavon che Vus essas interessai da prender part allas sera d'informaziun supplichein nus da comunicar quei all'administraziun communal (tel. 081 920 36 36 ni per e-mail: admin@disentis.ch). Bugen quintein nus cun Vossa preschientscha.

Disentis/Mustér, ils 10-5-2011
Suprastonza communal Disentis/Mustér

Invit al di dallas portas aviartas

Igl onn vargau ein la casa communal sco era igl edificci dalla Banca Raiffeisen Cadi a Mustér vegni sanai. Cun quei ch'ils baghetgs sesanflan in sper l'auter, ein ins sedecidi d'organisar communablamein in di dallas portas aviartas.

Per dar la pusseivladad da prender investa dallas adattaziuns fatgas vegnan las portas aviartas

sonda, ils 21 da matg 2011 naven dallas 11.00 tochen ca. allas 14.30.

Als presents vegn offeriu tratgas giu dil gril e bubrondas.

Plinavon vegn organisau ina concorrenza cun bials premis. Nus fagein a tuts interessai in cordial beinvegni e selegrein da Vossa viseta.

Vischnaunca Disentis/Mustér
Banca Raiffeisen Cadi

Corporaziun manteniment da vias Mompé Medel Invit alla radunonza generala

Venderdis, ils 20 da matg 2011 allas 20.15 el local dall'Uniun da scursalar Mompé Medel.

Tractandas:

1. Elecziun d'in dumbravuschs
2. Protocol
3. Rapport dil president
4. Rendaquen per 2010
5. Rapport dils revisurs ed approbaziun dil quen
6. Varia

Cordialmein envida
La suprastonza

Cussegl pastoral / Cerchel social-caritativ

Gievgia, ils 19 da matg 2011 allas 14.00 envidein nus nossas senioras e nos seniors tier ina devoziun en la caplutta a Mompé Tujetsch e silsunter ad ina sentupada el restaurant Cresta a Segnas. Il transport ei organisaus.

Sentupada allas 13.30 avon halla Cons.



Uniun da dunnas Mustér
Fiera da Nadal a Mustér

La fiera da Nadal ha liug dumengia, ils 20-11-2011 naven dallas 13.00 tochen las 20.00 sin la piazza da scola a Mustér.

Per damondas ni annunzias stat Fabiana Candinas bugen a disposiziun, tel. 081 947 42 88, 079 373 61 58, e-mail: fcandinas@gmx.ch.

Radunonza generala
Dils possessurs da dretgs e pursanavels dallas alps Russein-Cavrein, Mustér

Venderdis, ils 27 da matg 2011 allas 20.15 el hotel Alpsu a Mustér.

Uniun samaritana Mustér
Cuors BLS-AED

L'Uniun samaritana Mustér porscha il niev cuors da reanimaziun BLS-AED. (Reanimaziun cun applicaziun dil defibrilatur automatic.)

Datum: 28 da matg 2011

Temps: 8.30–11.30 / 13.30–16.30

Liug: Casa da scola Mustér

Annunzias: Ein da far entochen ils 21 da matg 2011

tier: Yvonne Flepp, tel. 081 947 50 35

e-mail: yvonne.flepp@kns.ch

Uniun samaritana Mustér

Uniun da tscheiver Mustér
Surdada dalla sera da tscheiver 2012

L'Uniun da tscheiver Mustér surdat l'organisaziun dalla sera da recreaziun da tscheiver da sonda, ils 18 da fevrer 2012 ad ina ni a pliras uniuns da Mustér e contuorn. La sera da recreaziun ei sco usitau el Center da sport e cultura.

Sch'ei dat pliras annunzias decida l'Uniun da tscheiver a tgi che la sera vegn surdada. Tgi che vul luvrar ensemen cun in'otra uniun duei menziunar quei ell'annunzia.

Annunzias san ins tarmetter tochen ils 30 da zercladur a Gion Hosang, Via Carcarola 11, 7180 Disentis/Mustér, ni per e-mail: gion.hosang@tscheiver.ch.

Schafwollannahme Frühling 2011

Siehe unter Surselva.

Presentaziuns da Dance Fun / Dance-Fun-Aufführungen

Mira/siehe unter Surselva.



Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00
Mardis 13.30–15.00
Gievgia 16.00–17.30
Venderdis 18.30–20.00

Nies motto: Leger . . . tedlar . . . mirar . . . !

Nus selegrein da mintga viseta.

Caras crianças, caros adolescentes
Caros pais, caros habitantes portugueses

A partir de agora também podem pedir livros em lingua portuguesa na nossa biblioteca. Nós apresentamos - lhe uma pequena oferta para crianças, adole - scentes e adultos.

Faça-nos uma visita e venha conhecer a nossa biblioteca.
Teremos todo o prazer.

Biblioteca populara Mustér

Biblioteca populara Mustér

Praulas e historias cun Mats, la miur

Eis ti denter 2 e 6 onns? Has ti gust da vegnir cun tia mumma ni cun in'otra persuna d' accumpnament en biblioteca e tedlar praulas ni historias? Mats, la miur e nus dalla biblioteca raquintein a ti ina praula ord in cudisch da nossa valischa da surprasas e quei mintga gada il secund venderdis dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surprasas!

Cun ils pli cars salids e sin seveser tochen gleiti
Mats, la miur ed il team dalla biblioteca populara Mustér